

全上古三代秦漢三國六朝文

〔清〕嚴可均輯

全上古三代秦漢三國六朝文

二

上海古籍出版社

圖書在版編目(CIP)數據

全上古三代秦漢三國六朝文/(清)嚴可均輯. —上海:
上海古籍出版社, 2009. 6

ISBN 978-7-5325-5328-0

I. 全… II. 嚴… III. 古籍—匯編—中國 IV. Z422

中國版本圖書館 CIP 數據核字(2009)第 044259 號

ISBN 978-7-5325-5328-0



全上古三代秦漢三國六朝文

[清]嚴可均 輯

上海世紀出版股份有限公司 出版、發行
上海古籍出版社

(上海瑞金二路 272 號 郵政編碼 200020)

(1) 網址: www.guji.com.cn

(2) E-mail: guji@guji.com.cn

(3) 易文網網址: www.ewen.cc

張華書屋上海發行所發行經銷 上海展強印刷有限公司印刷

開本 787 × 1092 1/16 印張 259.75 插頁 24

2009 年 6 月第 1 版 2009 年 6 月第 1 次印刷

印數: 1—600

ISBN 978-7-5325-5328-0

K · 1200 定價: 580.00 元

如有質量問題,請與承印公司聯繫

據民國十九年影印清光緒二十年黃岡王氏刻本影印原書版
框高一五〇毫米寬二一〇毫米

全上古三代秦漢三國六朝文二〔清〕嚴可均輯

總目

第一冊

全上古三代文十六卷 全秦文一卷 全漢文六十三卷 全後漢文卷一至卷四十

第二冊

全後漢文卷四十一至卷一百零六 全三國文卷一至卷六十六

第三冊

全三國文卷六十七至卷七十五 全晉文卷一至卷一百十五

第四册

全晉文卷一百十六至卷一百六十七 全宋文六十四卷 全齊文卷一至卷六

第五册

全齊文卷七至卷二十六 全梁文七十四卷 全陳文十八卷 全後魏文卷一至卷五

第六册

全後魏文卷六至卷六十 全北齊文十卷 全後周文二十四卷 全隋文三十六卷

先唐文一卷

全後漢文卷四十一

烏程嚴可均校輯

應劭

風俗通義

災異續漢五行志故太山太守應劭給事中董巴散騎常

順帝之末京師謠曰直如弦一作死道邊曲如鉤反乃封侯

恒帝元嘉中京師婦人作愁眉啼妝墮馬髻折腰步齟齬笑愁眉

者細而曲折啼妝者薄拭目下若啼痕墮馬髻者側在一邊折腰

步者足不任體齟齬笑者若齒痛不忻忻始自梁冀家所為京師

翕然皆放效之天戒若曰將收捕冀婦女憂愁齟齬將啼也

傳注御覽三百六十五又四百八十八錢案天戒曰下諸意未

完續五行志云天戒若曰兵馬將往收捕婦女憂愁齟齬啼泣更

料雖強笑語無後氣味也

全後漢文卷四十一 應劭

延熹中京師長者皆著木屐婦女始嫁至作漆畫屐五采為系謀

案黨事始發傳詣黃門北寺臨時惶恐不能信天任命多有逃亡

不就考者九族拘繫及所過歷長幼婦女皆被桎梏應木屐像矣

御覽六百四十四又六百九十八

桓帝初京師童謠曰車班班入河間言徵靈帝者輪班擁節入河

間也續漢書五行志注

京師童謠曰嚼復嚼今年尚可後年饒

京師謠歌曰烏臘烏臘案逆臣董卓滔天虐民窮凶極惡關東舉

兵欲共誅之轉相顧望莫肯先進處處停兵數十萬若烏臘蹀相

隨橫取之矣

中平中京師歌董逃董卓已董逃之歌主為已發大禁絕之死者

千數俱同孝靈帝建寧中京師長者皆曰菹辟續漢書方笥為妝其時有謠者

言輦方笥郡國獻饌也今珍用之天下皆當有罪獻于理官也後

黨綱皆獻廷尉人名悉入輦方笥中斯為驗矣御覽七百三十五

靈帝時京師賓婚嘉會皆作魁櫺酒酣之後續已挽歌魁櫺喪家

之樂挽歌執紼相偶和之者天戒若曰國家當急殄悴諸貴樂皆

死亡也自靈帝崩後京師宴滅戶有兼屍露而相食魁櫺挽歌斯

之效乎續漢書五行志注

靈帝數已車騎將軍過拜擊臣內嬖又贈亡人顯號加于頑凶印

綬汗于腐屍皆辛有睹被髮之祥知其為戎今假號雲集不亦宜

乎同上

靈帝于西園宮中駕四白驢躬自操轡馳驅周旋已為大樂于是

公卿貴戚轉相倣至乘軒已為騎從價與馬齊凡人相罵曰死驢

醜惡之稱也董卓陵虐王室執政皆死驢者服重致遠上下山谷

野人之所用耳何有帝王君子而驢駕之者乎天意若曰國有大

亂賢愚倒植凡執政者皆知驢也御覽九百一

靈帝好胡服胡帳胡牀京師皆競為之後董卓擁胡兵掠宮掖

又七百六十九

光和元年司徒長史馮巡馬生胡子問養馬胡蒼頭乃茲此馬已

生子續漢書五行志注

光和中雒陽男子夜龍從兄陽求臘錢龍假取縣數頗厭患之陽

與錢千龍意不滿欲破陽家因持弓矢射玄武東闕三發吏士呵

縛首服因是遣中常侍尚書御史中丞直事御史謁者衛尉司隸

河南尹雒陽令悉會發所劾時為太尉議曹掾白公鄧盛夫禮設

闕觀所已餽門章于至尊懸諸象魏示民禮法也故車過者下步

過者趨今龍乃敢射闕意慢事醜次于大逆宜遣主者參問變狀

公曰府不主盜賊當與諸府相候劾曰丞相兩吉已為道路死傷

既往之事京兆長安職所窮逐而住車問牛喘吐舌者豈輕人而

貴者哉願念陰陽不和必有所害掾史爾乃悅服漢書嘉其達大體今龍所犯然中外奔波郡言防忠太象況于已形昭晰者哉明公既處宰相大任加掌兵戎之職凡在荒裔謂之大事何有近日下而致逆節之萌者孔子攝魯可寇非常卿也折僭盜之端消纖介之漸從政三月惡人走境邑門不闔一作外收強齊侵地內虧三桓之威區區小國尚于趣舍大漢之朝焉可無乎明公恬然謂非已已下當詩云儀刑文王萬國作孚當為人制法何必取法于人于是公意大悟遣令史謝申曰鈴下規應據自行之還其條奏時靈帝詔報惡惡止其身能曰重論之陽不坐其後車騎將軍何苗與兄大將軍進部兵相攻擊戰于闕下苗死兵敗殺數千人龍者陽類君之象也夜者不明之應也此其象也上同
熹平二年六月雒陽民謠言虎賁寺東壁中有黃人形容鬚眉良是觀者數萬省內悉出劭時為郎故往觀之何在其有人也走避

全後漢文卷四十一 應劭

三

汗處賦緒流瀉壁有他剝數寸曲折耳謹案季夏土黃中行用事又在壁中壁亦土也目見于虎賁寺者虎賁國之祕兵扞難禦侮必示于東東者動也言當出師行將天下搖動也天之目類告人甚于影響也上同
光和四年四月南宮中黃門寺有一男子長九尺服白衣中黃門解步呵問汝何等人白衣妄入宮掖曰我梁伯夏後天使我為天子步欲前收取因忽不見謹案尚書春秋左傳曰伯益佐禹治水封于梁廐叔安有裔子曰董父實甚好龍龍多歸之帝舜嘉之賜姓董氏董氏之祖與梁同焉到光熹元年董卓自外入因開乘輿廢帝殺后百官總已號令自由殺戮決前威重于主梁本安定而卓隴西人俱涼州也天戒若曰卓不當專制奪矯如白衣無宜蘭入宮也白衣見黃門寺門寺曹騰之家及卓之末中黃門誅滅之際事類如此可謂無乎上同

靈帝之末禮樂崩壞賞罰失中變舉無驗嚴佈偽服曰靈典制遠近翕然咸名後生放聲者為時人字延壽二有識者為言舊曰世人次曰俗人今更曰時人此天促其期也其間無幾天下大壞也上同
熹平中有兩榜一宿長大餘作人狀頭目宛然御覽九百
夏禹廟中有梅梁忽一春木有生枝葉御覽九百
靈帝光和七年五行志作陳留濟陰諸郡西及成皋陽武城郭路邊艸生作人狀操持矛弩牛馬萬狀備具五行志注有非但後
關東義兵先起于宋衛之郊東郡太守橋瑁負眾怙亂陵蔑同盟忿嫉同類曰殛厥命陳留濟陰迎助謂為離德棄好即戎吏民殲殘艸嫫之異豈不或信御覽九百九十四
中平中懷陵上有雀萬餘亂闔殺頭懸著樹也御覽九百

全後漢文卷四十一 應劭

四

賜進士出身三品銜廣東等處提刑按察使高按察使兼管驛傳事務黃岡王毓藻校刊

鳥程嚴可均校輯

應場

場宇德棧弟珣之子曹公辟爲丞相掾轉平原侯庶子後爲
五官將文學有集五卷

愁霖賦

聽屯雷之恆音兮聞左右之歎聲情慘憤而含欲兮起披衣而遊
庭三辰幽而重關蒼曜隱而無形雲曖曖而周馳雨濛濛而霧容
排屏帳而北入振蓋服之沾衣還空牀而寢息夢白日之餘輝惕
中庖而不效兮意悽悽而增悲

靈河賦

谷靈川之遐原兮于崑崙之神丘凌增城之陰隅兮賴后土之潛
流銜積石之重險兮披山麓而溢浮蹶龍黃而南邁兮紆鴻體而

全後漢文卷四十二 應場

因流涉津洛之阪泉兮欽文類聚洛播九道平中州汾潁涌而騰
驚兮恆壘壘而徂征肇乘高而迅逝兮陽侯怖而振驚有漢中某

金隄墮而瓠子傾興萬乘而親務董羣后而來營下淇園之豐餘
投玉璧而沈星若夫長杉峻標茂栢芬樞扶流灌列映水蔭防隆

條動而鳴清風白日顯而曜殊光水經河水注五嶽文
龍搜白鯉越艇蜀舫游游覆水帆柁如林北堂書鈔未改本一百

正情賦

夫何媛女之殊麗兮吞溫惠而明哲應靈和且挺質體蘭茝而瓊
潔方往載其鮮雙曜來今而無列發朝陽之鴻暉流精睇而傾泄

既榮麗而冠時援申女而比節余心嘉夫淑美願結歡而靡因承
窈窕之芳美情踴躍乎若人魂翩翩而夕遊甘同夢而交神晝彷彿

徨于路側宵耿耿而達晨清風厲于玄序涼飈逝于中唐慮雲鴈
之翰鳴察列宿之華輝南星晃而電隕偏雄肅而特飛冀騰言已

全上古三代秦漢三國六朝文 全後漢文卷四十二

俯首嗟激迅而難追傷往念之無聞悼流光之不歸愍伏辰之方
逝哀吾願之多違步便旋已永思情慘慄而傷悲還幽室已假寐

固展轉而不安神眇眇已潛翔恆存遊乎所觀仰崇夏而長息動
哀響而餘歎氣浮踊而雲館腸一夕而九煩北堂書鈔一

思在前爲明鏡哀既往于替口北堂書鈔一

撰征賦

奮皇佐之豐烈將親戎乎幽都飛龍旗以雲曜披廣路而北巡崇
殿鬱其差戟華宇爛而舒光摘雲藻之雕飾流輝采之渾黃辭曰

烈烈征師尋遐庭兮悠悠萬里臨長城兮周覽都邑思既盈兮嘉
想前哲遺風聲兮欽文類聚

西征賦

鸞衛東指弭節蓬澤水經二十

西狩賦

伊炎漢之建安飛龍躍乎天衢皇宰而陶運樹匡翼而大慕濫
無妄之氣穢揚威靈乎八區開九土之舊迹暨聲教于海隅時霜

凄而淹野寒風肅而川逝草木紛而搖蕩鸞鳥別而高厲既乃棟
簫鉦建九幢按轡清途颯沓風翔屬車轆轤羽騎騰驤二句從北

蕭鉦建九幢按轡清途颯沓風翔屬車轆轤羽騎騰驤二句從北
補于是圓網周合雷鼓天震千乘長羅萬表星陳雙翼伉旌八校

祖分長燧電舉高煙蔽雲爾乃徒輿並輿方軌連質驚騰四駭衝
禽驚溢騁獸塞野飛鳥蔽日爾乃赴玄谷陵崇巒俯掣奔侯仰捷

飛猿雲幕被于廣野京燎照乎平原醴醑充給洪施普宣北堂書鈔

馳射賦

于是陽春嘉日講肆餘暇將逍遙于郊野聊娛遊于馳射延賓鞠
旅星言夙駕樹應輦于路左建丹旗于表路羣駿籠茸于衡首咸

全後漢文卷四十二 應場

全上古三代秦漢三國六朝文 全後漢文卷四十二

皆腰裏與飛龍修物而容與竝軒翥而屬終二切韻乃結翻倅齊倫匹良樂授馬孫贗調馴等箏克明班次均壹左攬繁弱右接湛衛控滿流睨應弦飛碎膚動鼓震謀聲雷轟重破累礫流景倏忽紛紜絡野次授二八放輕長驅御覽三百五十五神足奔越終節三驅矢不虛發進截飛鳥顧摧月支須紆六斂口鸞七規觀者并氣息而傾竦咸側企而騰移爾乃紫迴盤屬接節和旋刷刷神屬體若飛仙奔奔駢壯既信且閑揚驪沛艾雙略相連類聚文六十八引御覽三百五十八引兩條

節飾齊明

馬賦注

校獵賦

乃命有司巡土周尋二虞萊野三扈表禽北彌大陸南厲黃潒學切神女賦

全後漢文卷四十二 應瑒

三

騰玄眸而睨青陽離朱脣而耀雙輔紅顏暎而和姪時調聲曰笑語御覽三百八十一

車渠挽賦

惟茲挽之珍瓊誕靈岳而奇生扇不周之芳烈浸瓊露曰潤琇蔭碧餘曰納曜曜朝霞而發榮紛元黃曰彤裔暎豹變而龍華象蜿虹之輔體中含曜乎雲波若其翠色鱗聚卓度詭常細縷雜錯仁圓仁方蔚術繁興散列成章揚丹流纁碧玉飛黃華氣承朗內外齊光類聚文七十三

疎迷迭賦

列中堂之嚴宇跨階序而駢羅建茂莖曰竦立攢脩餘而成阿燭白日之炎陰承翠碧之繁柯朝敷條曰誕節夕結秀而垂華振纖枝之翠榮動採集之莓莓舒芳香之酷烈乘清風曰徘徊類聚文八十一

楊柳賦

赴陽春之和節植纖柳曰承涼麗豐節而廣布紛鬱勃曰敷陽三春倏其奄過景日赫其垂光振鴻條而遠霽迴雲蓋于中唐類聚文九十八

鸚鵡賦

何翩翩之麗鳥表眾豔之殊色被光耀之鮮羽流玄黃之華飾類聚文九十八

愬驥賦

愬良驥之不遇今何屯否之弘多抱天飛之神號今悲當世之莫知赴玄谷之漸塗今陟高岡之峻崖懼僕夫之嚴策今載悚慄而奔馳懷殊姿而困遇今願遠迹而自舒思奮行而驤首今叩繯絲之紛拏牽繁轡而增制令心情結而槃紆涉通達而方舉今迫與

全後漢文卷四十二 應瑒

四

僕之我拘抱精誠而不鳴今鬱神足而不摠思歸翁于西土今望伯氏于東隅願浮軒于千里今曜華輓乎天衢瞻前軌而促節今願後乘而踟躕展心力于知己今甘邁遠而忘敏哀二哲之殊世今時不遘手良造制銜轡于常御今安從騁于遐道類聚文九十三

表 長戟百萬胡馬千羣御覽三百五十三

報麗惠恭書

夫篇艾之歌發于信宿子矜之思起于嗣音況實三載能不有懷雖螢草樹背泉蘇在側悵憤不逞祇曰增歎朝隱之官賓不往來喬木之下曠無休息抱勞而已足下剖符南面振威千里行人子羽朝夕相繼曾不枉咫尺之路問楚室之舊過惠賜書辭不半紙慰藉輒于綢繆議望重于丘山是角弓之詩所曰為刺也值驚羽子苑丘騁駿足于株林發明月之輝光照妖人之窈窕斯亦所已

眩耳目之觀聽亡身命于知友者也文選類聚卷二十二

聖人不違時而遯跡賢者不肯俗而遺功文選七

九有威夷始失其政文選袁宏三國名臣序贊注

子猶不能騰雲閣攀天衢文選劉峻廣絕交論注

文質論

蓋皇穹肇載陰陽初分日月運其光列宿曜于文百穀麗于土芳華茂于春是曰聖人合德天地稟氣清靈仰觀象于玄表俯察式于羣形窮神知化萬物是經故否泰易起道無攸二二政代序有文有質若乃陶唐建國成周革命九官咸乂濟濟休合火龍黼黻皞皞于廟廟翼翼旂旒寫弄乎朝廷冠德百王莫參其政是曰仲尼歎煥乎之文從郁郁之盛也夫質者端一玄靜儉嗇潛化利用承清泰御平業術軌量守成法至于應天順民撥亂夷世摘藻奮

全後漢文卷四十二 應瑒

五

權赫奕丕烈紀神協律禮儀煥別覽墳丘于皇代建不刊之洪制顯宣尼之典教探微言之所繁若乃和氏之明璧輕殺之徒數必將遊玩于左右振飾于宮房豈爭牢雋之勢金布之剛乎且少言辭者孟倍所目荅郊勞也寡智見者慶氏所目困相鼠也今子棄五典之文問禮智之大信管望之小尋老氏之微所謂循軌常趨未能釋連環之結也且高帝龍飛豐沛虎據秦楚唯德是建唯賢是與陸鄼擣其文辯良平奮其權譎蕭何創其章律叔孫定其庠序周樊展其忠教韓彭列其威武明達天下者非一士之術營宮廟者非一匠之矩也逮自高后亂德損我宗劉朱虛軫其慮辟強釋其憂曲逆規其模鄼友詐其遊襲據北軍實賴其嚆冢嗣之不替實四老之由也夫諫則無議目陳問則服汗沾濡豈若陳平敏對叔孫據書言辨國典辭定皇居然後知質者之不足文者之有餘文選類聚卷二十二

奕勢

蓋基奕之制所由來尚矣有像軍戎戰陣之紀旌旗既列權慮蜂起絡繹雨集魚鱗鴈峙奮維闕翼固衛邊鄙寇動北臺備在南尾二語從御覽補或飾道僞旋卓幘幘列羸師延敵一乘虛絕歸不得合兩見擒滅淮陰之謨拔旗之勢也或匡設無常尋變應危寇動北臺備在南臺中基既捷回表自處亞夫之智耿弇之奇也或假道四布周爰繁昌雲合星羅侵逼郊場師弱報寡臨據孤亡披掃強禦廣略土疆昆陽之威官渡之方也挑誘既戰見欺敵對紛拏相救不量進退羣聚俱隕力行唐突瞋目悲憤覆局崩潰項將之役楚懷之悖也時或失謀收奔攝北還自保固完聚補塞見可而進先負後剋燕昭之賢齊項之德也長驅馳逐見利忘害輕敵寡備所喪爛大臨疑猶豫算慮不詳苟貪少獲不知所亡當斷不斷還為所謀項羽之失吳王之尤也持基相守莫敢先動由楚漢之兵相

全後漢文卷四十二 應瑒

六

拒索羣也文選類聚卷七十四御覽七百五十三

黃香

香字文疆江夏安陸人建初中除郎中元和中拜尚書郎承元中進左丞累遷尚書令延光初出為魏郡太守後坐事免有集二卷

九宮賦

伊黃靈之典度存乎文昌之會宮翳華蓋之葳蕤依上帝曰隆崇握璇璣而布政總四七而持綱和日月之光曜均節度曰運行序列宿之煥爛咸垂景曰煌煌歷天陰之晦暗陽玉石曰炳明鏡大道之浩廣渤沈滂曰扎坎昞旭歷而銳銀廓峨岬曰閭閻即蹠縮已檄檣坎燧援已消揚騁驪驪曰差羸蹉礫皓皓曰駿樂銀拂律曰順游徑閭閻文選類聚卷七十四御覽七百五十三而出玉房謁五嶽而朝六宗對祝融而督勾芒蕩胡胡而傲降聊優游曰尚陽蹠崑崙而踏碣石跪底

柱而跨大行。財熊耳而據桐柏。介嶠家而持外方。泥彭蠡而洗北海。萍五湖而激華池。粉白沙而噴定谷。卷南越而騰歷連。明月日為懸刺。駭難曰。為叙繞績組而揭雲鬱。垂獨靈而服離桂。藏巢爰而帶縹緲。曳陶匏曰。委蛇乘根車而駕神馬。駭駭明而俠窮奇。使織女駭乘。王良為之御。三台執兵而奉引。軒轅乘驅。驪而先驅。招搖豐隆。騎師子而俠轂。各先後曰。為雲車。左青龍而右青龍。前七星而後騰蛇。後太一而聚羣神。越榮惑而叱太白。東井輟轢而播灑。慧勃佛仿曰。捐擊四微塵于干道。絕引者而驚蟬。蚩尤之倫。玢璘而要班。爛垂金干而捷雄。戟探巨族之破。齊佩機而鳴。廓狼狐。發張而外饗。枉矢持芒曰。岿岿迅衝風而突飛。電振雲嶠。岫而土空。山龍狡猾而蹴踐。盈走札。揭而寮枯。梗櫟略覆而突列。蜺。橋律屈而卻梁。黨巷澹而觸蜺。蛟扶磐礪而扑雷。公標擊使而拂勃。使奮雲旗而椎鴻。鐘聲滄淪曰。純命四海。澹而祗地。梁碎太山而

全後漢文卷四十二 黃香

七

刺嵩。吸江河而嘔九江。登嶽嶽之嶺臺。闕天門而閃帝宮。享嘉命而延壽樂。斯宮之無窮。古文苑藝文類聚七十八

讓東郡太守疏

臣江淮孤賤。愚蒙小生。經學行能。無可算錄。遭值太平。先人餘福。得曰弱冠。特蒙徵用。連階累任。遂極臺閣。訖無纖介。稱報恩効。死誠不意。悟卒被非望。顯拜近郡。尊位千里。臣聞量能授官。則職無廢事。因勞施爵。則賢愚得宜。臣香小醜。少為諸生。典郡從政。固非所堪。誠恐矇頑。孤忝聖恩。又惟機密。端首至為尊要。復非臣香所當久奉。承詔驚惶。不知所裁。臣香年在方剛。適可驅使。願乞餘恩。留備冗官。賜曰督責小職。任之宮臺。煩事。曰畢。臣香螻蟻小志。誠願目至願。士灰極榮。後漢書香傳

留為尚書令上疏

臣錐刀小用。蒙見宿留。文選曹植求通親親表注引東觀漢記

樂承王甚罪議

自非聖人。不能無過。故王太子生。為立賢師傅。曰訓導之。是曰目不見惡。耳不聞非。能保其社稷。高明令終。甚少長。藩國內無過庭之訓。外無師傅之道。血氣方剛。卒受榮爵。幾微生過。遂陷不義。臣聞周官議親。慈恩見赦。莫不殺無辜。曰謹呵。為非無赫赫大惡。可裁削奪。損其租賦。令得改過。自新。革心向道。後漢書成王傳注引袁宏紀尚書侍郎

天子冠頌

惟永元之盛代。聖皇德之茂純。躬烝烝之至孝。崇敬順曰。奉天曰三載之孟春。建寅月之上旬。皇帝將加玄冕。簡甲子之元辰。厥日王于太皞。厥時叶于百神。皇輿幸夫金根。六玄虬之連蜺。建螭龍曰。為族鳴節。路之和鑾。既臻廟曰。成禮乃迴。軫而反宮。正朝振曰。享燕。檀大簇之庭鐘。祚蕃屏而鼎輔。暨夷蠻之君王。咸進爵于金

全後漢文卷四十二 黃香

八

屏風銘
謝獻萬壽之玉觴。通典五十六初學記十四御覽五百四十

黃瓊
古典務農。刻鏤傷民。忠在竭節。義在修身。書鈔一百三十七

瓊字世英。香子。初曰父任。除太子舍人。不就。後五府俱辟。不應。永建中。徵拜議郎。遷尚書僕射。進尚書令。出為魏郡太守。建和初。遷太常元。嘉初。代胡廣為司空。免。復為太僕。永興初。代吳雄為司徒。尋代胡廣為太尉。延熹初。坐忤梁冀。免。復為大司農。冀誅。復為太尉。封祁鄉侯。免。復為司空。免。七年卒。年七十九。贈車騎將軍。諡曰忠侯。

因災異上疏薦黃錯任棠

間者曰來。卦位錯謬。寒燠相干。蒙氣數興。日闇月散。原之天意。殆不虛然。陛下宜開石室。案河洛。外命史官。悉條上永建目前至漢

初災異與永建已後訖于今日孰為多少又使近臣儒者參考政事數見公卿察問得失諸無功德者宜皆斥黜臣前頗陳災眚并薦光祿大夫樊英太中大夫薛包及會稽賀純廣漢楊厚末蒙御省伏見處士巴郡黃錯漢陽任棠年皆耆耄有作者七人之志宜更見引致助崇大化後漢書

因大旱復上疏

昔魯僖遇旱曰六事自讓躬節儉開女謁放饒倭者十三人誅稅民受貨者九人退舍南郊天立大雨今亦宜願省政事有所損闕務存質儉曰易民聽尚方御府息除煩費明敕近臣使遵法度如有不移示目好惡數見公卿引納士訪曰政化使陳得失又囚徒尚積多致死亡亦足目感傷和氣招降災旱若改做從善擇用嘉謀則災消福至矣後漢書

上疏請行藉田禮

全後漢文卷四十二 黃瓊

九

自古聖帝哲王莫不敬恭明祀增致福祥故必躬郊廟之禮親藉田之勤曰先羣萌率勸農功昔周宣王不籍于畝號文公曰為大義卒有姜戎之難終損中興之名竊見陛下遵稽古之鴻業體虔肅曰應天順時奉元懷柔百神朝夕獨塵埃于道路晝暮聆庶政曰邨人雖詩詠成湯之不迫違書美文王之不服食誠不能加今廟祀適闕而祈穀絜齋之事近在明日臣恐左右之心不欲展勤聖躬曰為親耕之禮可得而廢臣聞先王制典藉田有日司徒咸戒司空除壇先時五日有協風之應王即齋宮饗醴載禾誠重之也自癸巳以來仍西北風甘澤不集寒涼尚結迎春東郊既不躬親先農之禮所宜自勉曰逆和氣曰致時風易曰君子自強不息斯其道也伏願陛下率羣后羣族三推則和澤滂流蒼生有賴後漢書

疾篤上疏

臣聞天者務剛其氣君者務強其政是曰王者處高自持不可不安履危任力不可不據夫自持不安則顛任力不據則危故聖人升高據上則曰德義為首涉危蹈傾則曰賢者為力袁宏注臣聞則唐堯曰德化為冠冕曰稷契為筋力高而益崇動而愈據此先聖所目長守萬國保其社稷者也昔高皇帝應天順民奮劍而王掃除秦項革命創制降德流祚至于哀平而帝道不綱稅政日亂遂使姦佞擅朝外戚專恣所冠不曰仁義為冕所蹈不曰賢佐為力

終至顛蹶滅絕漢祚天維陵弛民鬼慘愴賴聖乾眷命炎德復興輝光武曰聖武天挺繼統興業創基冰泮之上立足枳棘之林擢賢于眾愚之中畫功于無形之世崇禮義于交爭循道化于亂離是自歷高而不傾任力危而不跌興復洪祚開建中興光被八極垂名無窮至于中葉盛業漸衰陛下初從藩國爰升帝位天下拭目謂見太平而即位曰來未有勝政諸梁秉權賢宦充朝重封累職

全後漢文卷四十二 黃瓊

十

傾動朝廷卿校牧守之選皆出其門羽毛齒輩明珠南金之寶殷滿其室富擬王府勢回天地言之者必族附之者必榮忠臣懼死而杜中萬夫怖禍而木舌塞陛下耳目之明更為聾瞽之主故太尉李固杜喬忠曰直言德曰輔政念國忘身隕殺為報而坐陳國議遂見殘滅賢愚切痛海內傷懼又前白馬令李雲指言宦官罪穢宜誅皆因眾人之心曰救積薪之敝弘農杜眾知雲所言宜行懼雲曰忠獲罪故上書陳理之乞同日而死所曰感悟國家庶雲獲免而雲既不辜眾又并坐天下尤痛益曰怨結故朝野之人曰忠為諱昔趙殺鳴犢孔子臨河而反夫覆巢破卵則鳳皇不翔刻牲天胎則麒麟不臻誠物類相感理使其然尚書周永昔為沛令素事梁冀幸其威勢坐事當罪越拜令職見冀將衰乃陽毀示忠遂因姦計亦取封侯又黃門協邪羣輩相黨自冀與盛腹背相親朝夕圖謀共構姦軌臨冀當誅無可設巧復記其惡曰要爵貴陞

下不加清激審別真偽復與忠臣向書令尹敕等已上六字後並時顯封使朱紫共色粉墨雜跡所謂抵金玉于沙磧碎珪璧于泥塗四方聞之莫不憤歎袁宏紀傷陛下失賞于見誣虧爵于姦臣二語從袁昔曾子大孝慈母投杼伯奇至賢終于流放夫議諫所舉無高而不可升阿黨相抑阿黨二字從無深而不可渝可不察歟陛下年在方剛聖慮未衰願還既設之封折后族之勢夫懷寶者須世抱璞者待時陛下誠能行臣所陳則懷寶抱璞之徒特將竭力致身自趨聖世目上五十七字臣至頑竊世荷國恩身輕位重勤不補過然懼于永及負蒙益深敢自垂絕之日陳不諱之言庶有萬分無恨三泉後漢書袁宏傳又見袁宏後漢紀二十二有刪節亦有多出諸

上言舉吏宜覆試

覆試之作將曰澄洗清濁覈實虛濫不宜改革後漢書黃

封梁冀議

全後漢文卷四十二 黃瑗

土

冀前已親迎之勞增邑三千又其子胤亦加封賞昔周公輔相成王制禮作樂化致太平是曰天啟土宇錫呂山川開地七百郊祀天地行天子禮此百世未有唯周公宜之耳今諸侯呂邑為制不目里數為限蕭何識高祖于泗水霍光定傾危呂興國皆益戶增封目顯其功冀可比鄧禹合食四縣賞賜之差同于霍光使天下知賞必當功爵不越德袁宏後漢紀二十一又

黃瑗

瑗字子琰瑗孫永興初目公孫拜童子郎不就後為五官中郎將黨事起禁錮幾二十年光和末徵拜議郎擢青州刺史遷侍中中平初出為右扶風徵拜將作大匠歷少府太僕出為豫州牧封關內侯董卓秉政徵拜司徒遷太尉更封陽泉鄉侯免後為光祿大夫及徙西都轉司隸校尉與王允謀誅卓卓將李傕等破長安被收死獄中

奏論樊岐許相

太尉樊岐司徒許相皆竊位懷祿苟進無恥終無匡救之益必有覆公折足之患宜皆罷遣曰清治路軍費雖急禮義廉恥國之大本也苟非其選飛隼在墮為國生事此猶負石救溺不可不察袁宏後漢紀二十七初平三年又見北堂書鈔影宋本二百六十引張方楚圖先賢傳

駁遷都長安議

昔周公營洛邑曰監姬光武卜東都曰隆漢天之所啟神之所安大業既定豈宜妄有遷動自虧四海之望後漢書黃瑗傳

全後漢文卷四十二 黃瑗

主

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後漢文卷四十二終

全後漢文卷四十三

烏程嚴可均校輯

傳毅

毅字武仲扶風茂陵人建初中為蘭臺令史拜郎中與班固賈逵共典校秘書車騎將軍馬防請為軍司馬及馬氏敗坐免永元初車騎將軍竇憲請為記室憲遷大將軍曰為司馬有集五卷

洛都賦

惟漢元之運會世祖受命而弭亂體神武之聖姿握天人之契贊揮電旗于四野拂宇宙之殘難受皇號于高邑修茲都之城館尋歷代之規兆仍險塞之自然被崑崙之洪流據伊洛之雙川拔成泉之巖阻扶二嶠之崇山砥柱回波綴于後三塗太室結于前鎮曰嵩高喬嶽峻極于天分畫經緯開正塗軌序立廟祧面朝後市

全後漢文卷四十三

傳毅

歎息起氛霧奮袂生風雨覽正殿之體制承日月之晴精騁流星于突隨追歸鴈于軒輪帶螭龍之疏鑣垂青苔之敷榮顧濯龍之臺觀望永安之圖敷淳清洛曰汎舟浮翠蚪與玄武桑宮蘭館區制有規后帥九嬪躬救工女近則明堂辟雍靈臺之列宗祀揚化雲物是察其後則有長岡芒阜屬目首山通谷岷岷石湖寒泉于是乘輿鳴和按節發軔列翠蓋方龍輶被五路之時亂檻三辰之旗旂傳說作僕褒和奉時千乘雷鼓萬騎星鋪絡繹相屬揮凍揚鑣羣仙列于中庭發魚龍之巨偉義門拊鼓偃金操麾講武農隙枝楸因田弋高冥之獨鶴連軒翥之雙鴈二語從文選注搜幽林呂集禽激通川曰節獸跨乘黃射遊廣弦不虛控目不徒睢解腋分心應箭殪夷然後仰節容與渌水之濱垂芳餌于清流出澣澣之潛鱗藝文類聚六十一又初反都賦

因龍門曰鳴化問伊闕曰達聰水經伊舞賦前序

楚襄王既遊雲夢使宋玉賦高唐之事將置酒宴飲謂宋玉曰寡人欲嬖羣臣何呂嫫之玉曰臣聞歌曰詠言舞曰盡意是目論其詩不如聽其聲聽其聲不如察其形激楚結風陽阿之舞材人之窮觀天下之至妙噫可目進乎王曰如其鄭何玉曰小大殊用鄭野異宜弛張之度聖哲所施是呂樂記千國之容雅美踴躍之舞禮設三爵之制頌有醉歸之歡夫咸池六英所曰陳清廟協神人也鄭衛之樂所曰娛密坐按歡欣也餘曰怡蕩非曰風民也其何害哉王曰試為寡人賦之玉曰唯唯

夫何皎皎之閒夜兮明月爛目施光朱火照其延起今耀華屋而煒洞房鋪帳祛而結組今鋪首炳目焜煌陳茵席而設坐今溢金壘而列玉觴騰觚爵之斟酌今漫既醉其樂康嚴顏和而怡懌今

全後漢文卷四十三

傳毅

幽情形而外揚文人不能懷其藻今武毅不能隱其剛簡情跳踉殷紛罕今淵寒沈蕩或恆常今于是鄭女出進二八徐侍姢服極麗姁姁致態貌嫵妙曰妖豔今紅顏睚其揚華眉連娟目增繞今目流睇而橫波珠翠的礫而熠燿今華袿飛髻而雜纖羅顯形影自整裝順微風揮若芳動朱脣舒清陽亢音高歌為樂之方歌曰撫子意曰弘觀今繹精靈之所束弛緊急之絃張今慢未事之軌曲舒收哀之廣度今開細體之甘穠嘉關雎之不淫今哀蟋蟀之局促啟泰貞之否隔今超遺物而度俗揚激徵騁清角贊舞操奏均曲形態和神意協從容得志不玆于是躡節鼓陳舒意自廣遊心無垠遠思長想其始興也若俯若仰若來若往雍容惆悵不可為象其少進也若翽若行若疎若傾兀動起度指顧應聲羅衣從風長袖交橫駘驪飛散嚴揭合柱鴈鵲燕居拉搯鳴鸞驚綽約閑靡機迅體輕姿絕倫之妙態懷愁索之潔清脩儀操以顯志今獨馳

思乎杳冥在山峨峨在水湯湯與志遷化容不虛生明詩表指噴
息激昂氣若浮雲志若秋霜觀者增歎諸工莫當于是合場進
按次而俟埒材角妙容乃理軼態橫出瑰姿調起明般鼓則騰
清眸吐哇咬則發皓齒摘齊行列經營切儼彷彿神動迴翔疎峭
擊不致蹇蹈不頓趾翼爾悠往闔復輟已及至迴身還入迫于急
節浮騰累跪踟躕摩跌紆形赴遠淮伯摧折纖數蛾飛紛若若絕
超趨鳥集縱弛殲及蟻蛇姆嬌雲轉飄忽體如遊龍袖如素霓梨
收而拜曲度究畢遷延微笑退復次列觀者稱麗莫不怡悅于是
歡洽宴夜命遣諸客擾躐就駕僕夫正策車騎並狎龍從逼迫良
駿逸足踰捍陵越龍驤橫舉揚鏢飛沫馬材不同各相傾奪或有
踰埃赴轍還駭電滅馳地遠羣闐跳獨絕或有宛足鬱怒般桓不
發後往先至遂爲逐末或有矜容愛儀洋洋習習遲速承意控御
緩急車音若雷驚駭相及駱漠而歸雲散城邑天王燕胥樂而不

全後漢文卷四十三 傳教

三

洪斌神遺老永年之術優哉游哉聊曰永日文選藝文類聚四十
三初學記十五古文

雅琴賦

歷嵩岑而將降睹鴻梧于幽阻高百仞而不枉對修條已特處蹈

通涯而將闢遊茲梧之所宜蓋雅琴之麗樸乃升伐其孫枝命離

輩使布繩施公輪之劍闕遂彫琢而成器揆神農之初制盡聲變

之奧妙抒心志之鬱滯文選藝文類聚四十四初學記十六案倚
世盧汪士賢等曰此賦入蔡邕集藏也

絕激哇之淫文選東
京賦注

時促均而增徵接角徵而控商文選琴
賦注

明仁義已屈已故永御而密親文選琴
賦注

扇賦

背和暖于青春踐朱夏之赫戲搖輕筵已致涼爰自尊已暨卓纖

一作竹席素或規或矩書鈔一百
三十四

與荆文美書

雖死之日猶生之年文選曹植求
自試表注

七激

徒華公子託病幽處游心于玄妙清思乎黃老于是玄通子聞而
往屬曰僕聞君子當世而光迹因時目舒志必將銘勒功勳懸著
隆高今公子削迹藏體當年陸沈變度易趣遠拂雅心挾六經之
指守偏塞之術意亦有所蔽與何圖身之謬也僕將爲公子論天
下之至妙列耳目之通好原情心之性理綜道德之彌奧豈欲聞
之乎公子曰僕雖不敏願聞之

玄通子曰洪梧幽生生于遐荒陽春後樂涉秋先彫晨飈飛磔孫
禽相求積雪泮泮中夏不流于是乃使夫遊官失勢窮擯之士涿
湖水越炎火窮林薄歷隱深三秋乃獲斷之高岑梓匠摹度擬目
斧斤然後背洞窾臨絕谿聽絕谿聽絕谿聽絕谿聽絕谿聽絕谿聽

全後漢文卷四十三 傳教

四

曰陟景山兮採芳荈哀不慘傷樂不流聲彈羽躍水叩角奮榮沈

微玄穆感物悟靈此亦天下之妙音也子能強起而聽之乎

玄通子曰單極滋味嘉旨之膳芻豢常珍庶羞異饌亮鴻一作之
書鈔一百四十四引兩條

羹粉粱之飯書鈔一百四十四引兩條滂養之魚脂其鯁魴分毫之割纖如髮

芒散如絕穀積如委紅芳甘百品並仰累重異珍殊味厥和不同

桂林甘露潤其菓醴泉漸其根脆不抗齒在口流液握之摧沮批

之離垢可目解煩悅悅心意子能起而食之乎

玄通子曰驥駉之乘龍驤超蹏騰虛鳥踊莫能執御于是乃使王

良理轡操呂術敘踐路促節機登展驅前不可先後不可追踰埃

絕影修忽若飛日不轉曜窮遠旋歸此蓋天下之駿馬子能強起

而乘之乎

玄通子曰三時既逝季冬暮歲玄冥終統庶卉零悴王在靈囿講

戎簡旅于是駟騶驟乘輕軒麾旌鳴入鸛陳眾車于廣廡散列
騎乎平原屬罽網已彌野連罽羅已營山部曲周匝風動雲旋合
圍促陣禽獸殲殲什不暇起筋不及旋擊不待刃骨解肉離摧牙
碎首分其文皮流血丹野羽毛翳日于是下南泉臨流泉觀通谷
望景山酌旨酒割芳鮮此天下之至娛也子能強起而觀之乎
玄通子曰當館修飾洞房華屋楹樹彫藻文曰朱綠曾臺百仞臨
望博見俯視雲霧矚目窮觀園蔽平夷沼池漫衍禽獸羣交芳草
華蔓于是賓友所歡近覽從容脩公沈仰蒲且飛紅綸不虛出矢
不徒降投鈎必獲控弦加雙俯盡深潛仰彈極翼日移息倦然後
謠息列觴酌醴妖靡侍側被華文曳綬綬綬珥珠珥玉紅顏呈
素蛾眉不畫脣不施朱髮不加澤升龍舟浮華池紆帷霧而永望
鏡形影于玄流偏滔滔曰南北侶漢女之神遊笑比目之雙躍樂
偏禽之匹嬉此亦天下之歡也子能強起而與之遊乎

全後漢文卷四十三

傳教

五

玄通子曰漢之盛世存乎永平太和協暉萬機穆清于是羣俊學
士雲集辟雍含詠聖術文質發達義農之妙旨照虞夏之典墳
遵孔氏之憲則投顧周之高迹推義範類靡不博觀光潤嘉美世
宗其言公子瞿然而興曰至乎主得聖道天基允臧明哲用思君
子所常自知沈溺久被不悟請誦斯語仰子法度玄通思玄賦注潘岳傳
迎歸雲遊游風賦注潘岳傳
無物可樂願望懷愁文選潘岳傳
問君逐臣頑父放子文選潘岳傳
排挫禮學議譴世偽文選潘岳傳
顯宗頌並上表
體天統物濟靈兆民文選潘岳傳
蕩蕩川流既瀾且清文選潘岳傳
案後漢傳教追美孝明皇帝功德最盛
而廟頌未立乃依清廟作顯宗頌十篇奏之

賓將軍北征頌

逮漢祖之龍輿待天符而用師昭神武于幽冀遇白登之重圍何
種常之桀虐自弛放而不羈哀皆辰之習性阻廣漠之荒垂命賓
侯之征討驩衛霍之遺風奉聖皇之明策奮無前之嚴鋒探伊吾
之賊壁蹈天山而遙降曝名烈于禹跡奉旗鼓而來旋聖上嘉而
哀寵典禁旅之戎兵內雍容呂詢謀外折衝于無形惟倜儻引弘
遠委精慮于朝廷文選潘岳傳

西征頌

愾昆夷之匪協咸矯口于戎事干戈動而復戢天將神而隆化
三百五

扇銘

翩翩素圓清風載揚君子玉體賴已虛康冬則龍潛夏則鳳舉知
進能退隨時出處北堂書錄

全後漢文卷四十三

傳教

六

明帝詠

惟此永平其德不回恢廓鴻績遐方是懷明明肅肅四國順威赫
赫盛漢功德巍巍躬履聖德已臨萬國仁風弘惠雲布雨集武伏
崇九文騰孔墨下制九州上係皇極豐美中世垂華億載冠亮佩
舜踐履五代三雍既洽帝道繼備七經宣暢孔業淑著明德慎罰
尊上師傅薄刑厚賞惠慈仁恕明並日月無有偏照譬如北辰與
天同曜發號施令萬國震懼庠序設陳禮樂宣布璇璣所建靡不
奄有貢篚納賦如歸父母正朔永昌冠帶僭耳四方共貫八極同
軌文選潘岳傳
北海王詠

永平六年北海靜王薨于是境內市不交易塗無征旅農不脩畝
室無女工感相慘怛若喪厥親俯哭后土仰想皇旻于是羣英列
俊靜思勒銘惟王勳德是昭是明存隆其賁光曜其聲終始之際